

INDLELA LENIKETWE

NGUNKULUNKULU YALOLUSUKU

 . . . umzuzwana nje sisakhotsamisa tinhloko tetfu.

Babe wetfu loseZulwini, siyaKubonga nga Jesu Khristu, setsembiso saKhe lesikhulu Lasinike sona. SiyaKubonga ngatotonkhe letintfo leti. Singaphansi kwekulindzela lokukhulu lapha kulelidolobha leli emkhatsini walamaKhristu lalungile. Silindzele kuMbona ahambahamba emkhatsini wetfu akhombisa bukhona baKhe, aniketa bantfu kukholwa, abakhutsata kutsi bakholwe. Nguleyo inhoso yetfu yekuba lapha, Babe. Siyati kutsi singakwetsema Wena. Singeke sijabhiswe. Ngoba sikucela eGameni laKhe. Amen.

Ningahlala phansi.

Bengijabule kakhulu manje ekuseni kubanekudla kwasekuseni naalelicembu lelilungile lebafundisi lapha kulelidolobha. Futsi ngako si...Ngicabanga kutsi la-labazalwane bawutheyiphile uma lotsite angawufuna. Sikhatsi lesinje pho senhlanganyelo lesibenaso. Futsi manje, kusihlwu busuku betfu besibili, sihambisana landleleni. Ngako manje, siyetsema kutsi iNkhosi itonibusisa nonkhe ngalokucicima ngalokwendlulele.

Ngiyakholwa kutsi ngibuke umngani wami lomuhle, Nkkt. Upshaw, lohleti lapha, Dzadze Upshaw. INkhosi ikubusise. Ngiyamkhumbula uMnaketfu Willie Upshaw. Ngabanencwadzi levela kuye lowesifazane ngalelelinye lilanga nesitfombe seMnaketfu Willie, Congressman. Ngako, be—bekakadze akhubateke iminyaka lengemashumi lasitfupha nesitfupha.

Bekasemhlanganweni ngalobunye busuku, ngabona umbono wakhe, ahleti, endlula kutetsameli, nesudu yakhe, agobondzela. Bekakadze asesitulweni semasondvo netimboko, njengoba nonkhe benimati, futsi iNkhosi Jesu yamenta waphila ngalobo busuku lobufanako. Futsi wabanekukholwa waze wafa.

Sitivela sihloniphekile, kusihlwu, ngemfelokati wakhe kutsi ahlale lapha. Bekeneminyaka lemingakhi ngesikhatsi aya kuyobonana neNkhosi? Bekeneminyaka lemingakhi? [Dzadze Upshaw uyaphendvula—Umhl.] Waphila kutsi abeneminyaka lengemashumi lasitfupha nesitfupha budzala. [Dzadze Upshaw uyafakaza ngekwendlula kwakhe emhlabeni.] Waya eZulwini kuyobane... Sibonga kakhulu ngalamadvodza lamakhulu, emachawe lamakhulu ekukholwa.

Manje, kusihlwa, kukutsi, asifuni kunihlalisa sikhatsi lesidze kakhulu. Sinihlalise imizuzu lengemashumi lalishumi ngetulu itolo kusihlwa, imizuzu lengemashumi lamabili kuze kube yelishumi. Sivamise kuphuma nase igabence insimbi yemfica. Ngitowetama kukulungisa loko kusihlwa. Bengisolo... Ngintjintjile kusuka emlayetweni wami webuprofethi lebengisolo ngiwushumayela etincenyeni letehlkene telive, etinkonzweni tetfu tebuvangeli futsi. Nakuleyo milayeto yebuprofethi, sitoyichuba kanjalo njalo. Futsi manje kuwujuba, kutsi nje kubalukhuni, futsi kugucula le—lenkonzo ngakokonkhe nje.

Futsi sizatfu ngenta loku: ngoba ngalelinye lilanga, ngita ngivila entasi eCanada, khona lapha nje ngetulu eMontana, ngetingweti ngalokunye kusa, iNkhosi Jesu... Ngiyati kuvakala kungakejwayeleki, kodvwa bengigibe imoto, futsi intfo letsite yakhanga kunaka kwami. Ngeva liPhimbo, lelicace kahle kakhulu nje njengoba niva lelam, litsi, "Ligama lakho libhalwe kuleyantsaba." Ngase ngiyabuka, futsi ngesikhatsi sima, Billy nami, iNkhosi Jesu yatsi, "Buyela emuva manje, futsi ucale ekuvangeleni njengoba nje wenta."

Kungalesosizatfu ngilapha kusihlwa, ngoba kubuyela emuva ngco futsi ngikhulekela labagulako. Kunendzaba lendze kuko, futsi ngicinisekile ninebantu betheyiphu lapha, leniva ematheyiphu etfu, lenati ngalendzaba. Ngitele kutokhulekela labagulako phindze. Kunetiphiwo letinkhulu letinengi kuNkulunkulu. Nkulunkulu angasebentisa nomangusiphi sato Lafuna kusisebentisa uma nje sitomvumela Ente njalo. UyiNkhosi Nkulunkulu.

Futsi manje, ngitama kutsi nginga...ngiyekele kubeka tandla etikwebantfu uma ngingayekela kukwenta, ngoba, lapho, kubukeka kwangatsi (loko kulungile), kodvwa kubukeka kwangatsi umuntfu lotsite, utophiliswa, bashonjalo, "Yebo-ke, *Sbani-bani* wangibeka tandla." Niyabona na? Ngi—ngifuna kubona nine nibeka tandla kuYe, etikwaKhristu.

Inhlos o yami kutsi, sonkhe siyati ngemiBhalo, kutsi kophilisa kwaNkulunkulu sekuvele nje kwabhadalelw a kulolonkhe likholwa. Kuyincenye—kuyincenye yekuhlupheka kwaJesu: "Walinyatwa ngenga yetiphambeko tetfu, ngemivimba yaKhe saphiliswa. Njengoba Mosi aphakamisa inyoka yelitfusi ehlane, kanjalo neNdvodzana yemuntfu ifanele iphakanyiswe." Sizatfu lesifanako.

Futsi loko kwakungumfanekiso, Khristu unguloko bekufanekiswa. Futsi-ke uma—uma lokubuyisana lokudzala bekungaveta kophiliswa, kungaveta lokunengi kangakanani ke lolokusha, lokunetintfo letincono, kuveta kophilisa kwaNkulunkulu.

Manje, Jesu waphakamiselwa injongo lefanako lenyoka yelitfusi lebeyingiyo (Wentiwa sono): ngoba, inyoka yentiwa ngelitfusi, nelitfusi li “ngumfanekiso wekwehlulela kwebuNkulunkulu”; nenyoka, kukhombisa “sicalekiso senyoka” kusukela ensimini yase-Edeni, lapho sono nekugula kwangena khona.

NaJesu ngeke... Kute umuntfu longeke ashumayela Jesu Khristu njengekubuyisana ngaphandle kwekushumayela kuphilisa kwaNkulunkulu. Akekho longashumayela liVangeli ngaphandle kwekushumayela kuphilisa kwaNkulunkulu. Ngoba, niyabona, awukwenti...bekane...awudzingeki kutsi ubenetintfo letitsite. Njenganangabe silwane sikubamble, awudzingi nje kutsi usijube lunyawo, noma ujube umkhono waso—waso noma ngabe yini lesinako kuwe. Vele usibulale nje kusukela enhloko futsi utabe usitfolile ke.

Futsi nguleyondlela Jesu layenta ngesikhatsi A—ngesikhatsi Afela sono: Wabulala yonkhe intfo sono lesake sayenta, Wavele wasihlenga ngalokugewelete nje. Manje sesidvonsa i—imbhadalo kusetfu lesikhulu...sibambiso semali sekukhululwa kwetfu lokugewelete ekubuyeni kwaKhe futsi.

Ngako, niyabona, kugula ngalokucondzile nje ku—kubangwa sono. Lomunye umuntfu wona. Kwakungekho kugula kwaze kwabakhona sono. Futsi ke ngesikhatsi sono singena ngekhatsi, kugula kwasilandzela. Kugula kutimpawu tesono. Futsi ke, ngesikhatsi Abulala sono, kwatsatsa tonkhe letimpawu letihambisana naso. Niyabona, kwakufanele kubenjalo.

Manje, sitawufundza kusihlw incenye yemBhalo.

Ngijabula sibili kuba, emuva emvakwami lapha kusihlw, sicuku sami sebazalwane lebekakulowo mhlangano manje ekuseni, futsi ngitfola, ngibona uMnaketfu Shakarian emuva lapho, naye, nalabanengi bebangani bami, labanye babo. Ngijabula kakhulu kuba nani bazalwane lapha kusihlw. Ngikhulekeleni manje, uma nitsanda.

Manje, asesivule emBhalweni, kwesifundvo lesincane nje, inKhosi itsandza.

² Futsi khumbulani, kusasa ebusuku, kukhulekelwa labagulako futsi. Futsi manje uma ngikhuluma...Lalelani, wonkhe umuntfu tamani kwenta loku, ningalindzeli nomanguyiphi intfo letsite kutsi yenteke. Intfo yekutsi niyente, kumkholwa Nkulunkulu khona manje. Mkholweni Yena khona manje! Niyabona na?

³ Manje bekunato tonkhe tinhlobo tetinkonzo. Nkulunkulu, ngalolu tinsuku tekugcina, ngiyakholwa, usiphe yonkhe intfo Lanayo eNcwadzini yaKhe. Yonkhe intfo Layetsembisile, siyibonile, futsi kusasolo kubonakala kungatsi bantfu abakwati kukubamba-ngci. Labo labamiselwe kutsi bakubambe-ngci,

batokubamba-ngci; labo kuphela. Kuyamphuphutsekisa kumunye; kuvule emehlo alomunye.

⁴ Khumbulani, sikhola kutsi Jesu Khristu unguye itolo, namuhla, naphakadze. Akafi, kodvwa uphila kuze kube phakadze. Futsi Ulapha kusihlwa. SiseBukhoneni baKhe, kusihlwa, futsi Ulapha kutsi acinisekise futsi asente sibe sihle nomangusiphi setsembiso Lasentele lolusuku. Futsi Unguye itolo, namuhla, naphakadze. Ngako, nomayini Lebekangiyo, Ungiyo, kusihlwa. Ngako asiMkholve manje, njengoba sifundza Livi laKhe futsi sikhulume ngaYe, kulelandzelako lelishumi nesihlanu, imizuzu lengemashumi lamabili.

⁵ Genesisi, sahluko sema 22, nelivesi le 7 nele 8, ngendlela yekutfola sihloko.

Futsi Isaka wakhuluma ku-Abrahama uyise, futsi watsi, Babe wami: futsi watsi yena, Ngilapha, ndvodzana yami. Wase utsi, Buka nankhu umlilo netinkhuni: kepha liphi liwundlu lemnikelo wekushiswa na?

Wase Abrahama utsi, Ndvodzana yami, Nkulunkulu utoliniketa liwundlu lemnikelo wekushiswa: ngako bahamba bobabili kanyekanye.

⁶ Nkhosi Jesu, busisa Livi laKho, kwangatsi Lingete labuya lilambatsa, kodvwa kwangatsi timbewu tingawela emhlabatsini lototsela insindziso kulabo labadzingako, kokubili ngekwemtimba nakamoya. Sitinikela kuWe; libandla, tetsameli, Livi, sihloko, ingcikitsi. Kwangatsi Moya loyiNgewe angatsatsa bungitsi betfu, kutsi sibone Jesu Khristu. Amen.

⁷ Ngifuna kukhuluma kulemizuzu lembalwa lelandzelako manje ngekutsi: *Indlela Leniketwe NguNkulunkulu YaloLusuku.*

⁸ Nkulunkulu bekahlala njalo anendlela. Kunetindlela letimbili, lokukutsi, tindlela tetfu noma tindlela taKhe. Nkulunkulu unendlela yanamuhla, ngoba Bekahlala njalo enta indlela yayo yonkhe intfo. Nkulunkulu, ekucaleni, bekasati sipheto, ngako Ubeke umBhalo waKhe wemnyaka ngamunye. Nalowomnyaka, uma ufika... Manje ningehluleki kubona loku. Lowomnyaka, uma ufika, ngalokwejwayelekile inkonzo ihlangahlangana kakhulu etimfundzisweni letigcamile, nakanjalonjalo, nemasiko, seyize yakhwesha ngemamayela latigidzi eVini.

⁹ Futsi-ke Nkulunkulu sonkhe sikhatsi utfumela lomunye lotsite enkhundleni, umprofethi. Nalomprofethi... Nkulunkulu akayiguculi inchubo yaKhe. Akatiguculi tindlela taKhe. Ukwenta njalo ngendlela lefanako. Bekahlala njalo akwenta; Ufanele akwente kulesikhatsi lesi. Futsi, ngaloku, Nkulunkulu usebenta futsi acinisekise leloLivi. Njengoba ngikhulumile kini itolo ebusuku, Nkulunkulu enta kuhumusha lokungekwaKhe

lucobo. Nkulunkulu akadzingi muntfu kutsi ahumushe Livi kuYe. ULihumusha cobolwaKhe, ngekuLicinisekisa, aLenta libe ngilo impela. Futsi uma Nkulunkulu atsi Uyokwenta intfo letsite, khona-ke Uyayenta, awusekho ke umbuto kuko. Nguleyondlela Lakwenta ngayo.

¹⁰ Ngako Nkulunkulu sewusentele indlela. Nkulunkulu uyabatsandza bantfwana baKhe. Uyabatsandza bantu baKhe. Ufuna kubasita. Ufuna kunisita kwendlula lendlela lenifuna ngayo lusito. Uma nje ungake ukutfole loko enhlitiywemi yakho, kutsi Nkulunkulu ufisa kakhulu kukusita kwendlula lendlela longatisita ngayo wena. Kodvwa Unendlela, naleyo nguyonandlela kuphela Layosebenta ngayo ingendlela yaKhe. Ufanele ute ngekuvumelana nemigomo yaKhe, hhayi imigomo yakho. Imigomo yaKhe! Wena ukufuna ngendlela letsite, kodvwa U—Ukunika ngendlela yaKhe.

¹¹ NjengaNamani acwila e—e—emantini aseJordani. Ngani, watsi emanti lamanengi enhla eveni lakubo ahlanteke kakhulu impela futsi ancono, kodvwa loko kwakungesiko lokwakushiwo ngumprofethi. “Cwila lapha.” Wacwila kanye, bulephelo busekhona; kasitfupha, babusekhona. Bekadzingeka atfobe futsi ete ngendlela yaNkulunkulu. Futsi ngesikhatsi Sekayitfobele ngalokwenele indlela yaNkulunkulu, bulephelo besuka.

¹² Futsi ngiyasho, kusihlwa, kutsi uma sitfobela indlela leniketwe nguNkulunkulu, bulephelo butosuka, kugula kutosuka, yonkhe intfo itosuka, kodvwa sifanele site ngendlela yaKhe yalolusuku. Manje, kucwila eJordani ngeke kwasita lutfo manje; loko kwakukwaNamani. Umtsetfo wawuwema—wemaJuda. Umusa ungaKhristu.

¹³ Kodvwa umnyaka ngamunye unencenyne yawo yeliVangeli lese ivele ibiketelwe. LeliBhayibheli lisambulo lesiphelele saJesu Khristu. Kungeke kusabakhona lokusatokwengetwa kuLo, nomayimi lesuswa kuLo; umuntfu lokwentako ucalekisiwe. Singeke sengete lutfo kuLo, singasusi lutfo kuLo. Sifanele sibuke Lapha futsi sibone kutsi yini letsenjisewa lomnyaka, bese-ke nikubone kwenteka. Lowo nguNkulunkulu ahumushe Livi laKhe luCobo. Ngesikhatsi Litsi, “Intfombi ntfo iyokhulelwa,” yakhulelwa. Loko kuhumusha kwaNkulunkulu kwaLo. Loko Lakwetsembisako, loko Uyakwenta.

¹⁴ Manje siyabona kutsi Nkulunkulu akatiguculi tinchubo taKhe tekwenta tintfo. Uhlala njalo akwenta ngalokufanako. Tsine sigucuka njalonjalo ngoba singulabanesiphetfo. Senta tonkhe tinhlobo temaphutsa, futsi singatfutfuka futsi sibe ncono. Kodvwa Nkulunkulu ungu longenasesiphetfo. Sincumo saKhe sekucala siphelele sonkhe sikhatsi. Angeke atfole kuhlakanipha lokutse gcagca. Bekangu...Ungumtfombo wako konkhe kuhlakanipha. Ungiko konkhe kuhlakanipha. Ungemandla onkhe, lonemandla onkhe, losetindzaweni tonkhe,

lowati konkhe, nalongenasiphetfo. Ngako ngako-ke, uma Asho noma yini, lengisa umphefumulo wakho kuYo, ngoba icinisile.

¹⁵ Manje lamanye emabandla litsi, “Futsi asikukholwa *Loku*, futsi siyakukholwa *loko*.” Nkulunkulu angeke ehlulele li-live nelibandla. Ulehlulela ngaJesu Khristu, naJesu uLivi. Uyokwehlulela libandla ngeLivi.

¹⁶ Futsi uma *Lesi kusambulo* saJesu Khristu sayo yonkhe iminyaka, nesalomnyaka, Wembulile kuleliBhayibheli loko Latokwenta kulomnyaka; futsi uma siKubona kukwenta, uma siMbona enta loko Letsembisa kukwenta. Hhayi kutala kwentfombi ntfo; loko kwakuseminyakeni letinkhulungwane letimbili letendlula. Kodvwa loko Letsembisa kukwenta namuhla, loko Latsi Uyokwenta namuhla, nguloko Langiko namuhla.

¹⁷ Sikhatsi lesinengi, bantfu batsi, “Yebo-ke, angikukholwa *Loko*.” Yebo-ke, unemhumushi wa-Eva futsi; utsatsa incenye yaLo nje, kodvwa hhayi konkhe kwaLo.

¹⁸ Ngako sifuna kukhumbula kutsi Nkulunkulu uhlala njalonjalo angulofanako. Livi laKhe, futsi loko Lakushoko, Utokwenta.

¹⁹ Kukhombisa kutsi Akagucuki. KuGenesisi 1, Watsi, “Akutsi yonkhe imbewu ivete inhlobo yayo. Akutsi yonkhe imbewu ivete inhlobo yayo.” Futsi khona lapho, sishaya intfo letsite khona lapho ishaya ikhiphe bonkhe labakholwa kutsi intfo igucuka ibe ngulenye intfo. Ungeke waphindza utalanise tintfo. Tsatsa njengelihhashi ne—ne...kanye ne—nembongolo, wakutalanisa, utfola umnyuzi, kodvwa umnyuzi ungeke wabuye utale futsi utfole lomunye umnyuzi. Uma khona lapho. “Yonkhe imbewu ngenhlobo yayo.” Bangenta kutalanisa, kodvwa kutigucukela kona kubuyele emuva ngco futsi, kukhombisa kutsi akugucuki kube ngulenye intfo kanjalo. Cha, mnumzane. Kuma khona lapho. Ungasitalanisa sипинashi nalenye intfo letsite, ndzawonye, bese ukhipha umbhidvo i-kheyili, kodvwa ungeke wakutalanisa loko kubuyisele emuva futsi. Cha, mnumzane. Ungawutalanisa ummbila lobhasteliwe; kodvwa waphindze wahlanyela lowommiba lobhasteliwe futsi, awutfoli lutfo. Ufanele uphindze uwutalanise ngaso sonkhe sikhatsi. Ngoba, Nkulunkulu watsi, “Akutsi yonkhe imbewu ivete inhlobo yayo.”

²⁰ Futsi manje, ngekubhastelisa tintfo, bukani kutsi lelive selingene kuphi namuhla. Bengifundza indzatjana lapha, kuReader’s Digest, lapho, “Eminyakeni lengemashumi lamabili kusukela manje, besifazane ngeke basaba nebantfwana, uma kusolo kuchubeka. Badla kudla lokubhasteliwe.” Intfo yako ikutsi, bakubhastelile, naleyo akusiyo indlela sidalwa lesingumuntfu lesentiwa ngayo, kutsi sidle lolohlobo lwekudla. Kwentelwa kukuLangabeta e...noma kukudla ngendlela lokwadalwa ngayo. Kungalesosizatfu, namuhla, kutsi abakhoni

kugcina tinyama nayo yonkhe intfo yindlela lokungayo, kungoba kubhasteliwe, kuhlanyelwe endlini yengilazi yekumilisela, futsi, o, lonkhe luhlobo lwendlela. Konkhe nje kucutjiwe. Sekufike lapho sonkhe sive lesibantfu sesibhujiswa khona timphumelelo tabo, ngekutama kutsatsa intfo Nkulunkulu layenta kahle, bese bayijikisa futsi bayente ngalenyen idlela letsite, ngendlela yabo lucobo. Yiyekeleli ngendlela Nkulunkulu layenta ngayo!

²¹ Sekufike ngisho nasendzaweni kuya lapho batama khona kubhastelisa emabandla, namuhla; kusuka embhabhatisweni sibili waMoya loNgcwele, kuya ekuchawulaneni; luhlobo lolutsite lwekuafata, kuya embhabhatisweni wemanti. O, hhe! Yonkhe lentfo ingulebhasteliwe. Sifuna kubuyela emuva.

²² Sitfombo lesibhasteliwe, ufanele usitototise futsi usifutse, futsi uvimbe tilokatana nemabhungane kusuke kuso. Kodvwa hhayi sitfombo lesiphilile selucobo; sicatsa, siccinate, atiti netilokatana kuso. Sinalokwenele kuso kulahla phansi silwanyakatana.

²³ Futsi unjalo ke nemKhristu welucobo! Awudzingi kutsi umtototise futsi umbhambadze, futsi umtjele *loku*, *lokwa*, noma *lolokunye*. Unentfo letsite kuye, umbhabhatiso waMoya loNgcwele, lolahla phansi konkhe lolokunye kwako. Awudzingi usolo uncengana naye, ngoba usitfombo selucobo saNkulunkulu. Unentfo letsite kuye lelwako. UmKhristu ulwela lonkhe li-intji lemhabatsi leme kuwo. Ufanele akwente loko, uma ayoke alindzele kutsi abe khona. Futsi, ngekukwenta, kuNentfo letsite kuye lemnakekkelako.

²⁴ Eva wetama kubhastelisa Livi, ekucaleni. Nkulunkulu wamtjela, "Mhla udla lapho, ngumhla ufa ngalelolanga." Wetama kuLitalanisa nelwati Sathane lamnika lona. Futsi ngesikhatsi enta, walahlal sonkhe sive lesibantfu, khona lapho nje, kudeveli, ngesikhatsi atama kubhicanisa Livi laNkulunkulu lelimsulwa nelwati. Alivelvi elwatini kweLivi.

²⁵ Lifika ngemandla aMoya loyiNgcwele! "Kungabi ngemandla, ngetikhwepha, kepha ngaMoya waMi," kusho iNkhosi. Ukwenta kanjalo-ke Nkulunkulu. Livi laNkulunkulu liyimbewu yekuPhila lokuPhakadze.

²⁶ Uma utama kuLibhastela, utokwentani na? Utotibulala ngaLo. Alinawusebenta. Alinawubhicana njengoba emafutsa noma emanti angazange sabhicane. Aliyukukwenta.

²⁷ Abakaze, kuyo yonkhe idlela, batame kutfola noma yini lencono kunendlela yaNkulunkulu yekukwenta. Niyati, abakaze bayitfole idlela, lencono, yekutsi inkhukhu italwe kulelive, kunekutikofoyela lona liphume egobolondlwani lalo. Benikwati loko na? Abakaze bayitfole idlela lencono. Lomfo lomncane ortalwa anelikhala lelidze ekugcineni kwelakhe—ekugcineni kwemlomo wakhe. Nalowomlonyana lanawo, kutsi ayosebenta futsi ayoklwebha, aklwebha aya emuva nasembili, aze acalise

inhloko yakhe, akhiphele inhloko yakhe ngephandle, akofoye indlela yakhe akhululeke. Yindlela leniketwe nguNkulunkulu. Wake wamdvonsa wamkhipha egobolondlwani, kutombulala. Angeke aphile uma umdvonsa umkhipha egobolondlwani. Utofanele ete ngendlela yaNkulunkulu.

²⁸ Nguleyo indzaba ngemaKhristu namuhla. Siwatsambise kakhulu ngensipho, sase siwachawula tandla sawangenisa ngansense, sase siwajoyinisa ebandleni. Lakudzingako yi-altari yemkhuleko leyifeshini lendzala lapho bakhuleka khona bacedze, baze batisebentise bona lucobo, beta ngendlela leniketwe nguNkulunkulu, baze batikhulule bona lucobo eveni. Inkinga yako, namuhla, bafaka ligama labo encwadzini bese bajoyina libandla, futsi nguloko kuphela lokukuko. Kodvwa indlela yaNkulunkulu, indlela leniketiwe, kuhlala lapho bese usebenta indlela yakho wendlule, aze Nkulunkulu akunike kuTalwa lokusha. Kunjalo impela. Mkofoye umkhiphe, kutombulala.

²⁹ Nguleyo indzaba, namuhla, ngebantfu. KuTalwa lokusha, bonkhe bayakubalekela. Abakutsandzi. O, babambise ngentfo letsite esikhundleni sekuTalwa lokusha, “yenyuka bese uyakholwa, futsi nguloko kuphela lofanele ukwente.” Develi uyakholwa, cobolwakhe, futsi niyati kutsi akatalwa kabusha. KunekuTalwa kabusha. Kukhona lokuhamba nako, kuluhlobo lolungakhaceki kahle, lolunganabitseki eveni.

³⁰ Noma ngukuphi kutala kuyinyakanyaka. Angikhatsali kutsi kukuphi. Uma kusesibuyenyi setingulube, noma—noma sibhedlela. Kutala kuyinyakanyaka.

³¹ Kunjalo nekuTalwa lokusha! Kuyokwenta wente tintfo lobewungacabangi kutsi bewutotenta. Kuyokwenta uguce e-altari futsi ukhale, umemete, ugeze pende ebusweni bakho, uphakamise tandla takho, udvumise Nkulunkulu, ukhulume ngetilimi, nato tonkhe tinhlobo tetintfo. KuTalwa lokusha kuyokwenta loko ngoba kuyindlela leniketwe nguNkulunkulu kutsi utalwe kabusha.

³² Utofanele ufe. Utofanele ufe ngaphambi kwekutsi uphindze utalwe futsi. Nomanguyiphi imbewu itofanele ife ngaphambi kwekutsi iphindze ivale futsi. Uma ingafi, ihlala yodvwa. Umuntfu utofanele afe ekucabangeni kwakhe lucobo. Utofanele afe ekucabangeni kwanoma yini ngephandle kweLivi laNkulunkulu, futsi ute ngendlela yaKhe. Lowo ngumhlabatsi waNkulunkulu. Asihlangani naYe emicabangweni yetfu; sihlangana naYe kuloko Latsi kwente. Leyo yindlela leniketwe nguNkulunkulu yako. Bantfu bayakubalekela; abakufuni. Kodvwa kuliciniso, kuyafana nje. Kuto, kuveta kufa, futsi ufanele ufe, ufe ekucabangeni kwakho.

³³ “Yebo-ke, ngiyati liBhayibheli liyakusho, kodvwa angikhoni kukucondza.” Khona-ke hlala lapho aze Nkulunkulu akwembule. Kunjalo. Kufanele ku... Loko kuTalwa lokusha.

³⁴ Emadada nemahansi, abakaze bayitfole indlela lencono yawo kutsi aye eNingizimu, kunekutsi ahambé alibulo kucala. Futsi loko kunjalo. Nitowabona onkhe abutsana ndzawonye futsi atitela wona, luhlobo lolutsite lwekutibonela ngekwemvelo luwadvonsela ndzawonye, futsi abutsana ndzawonye bese ahambé alibulo ngaphambi kwekutsi andize, ngaphambi kwekutsi aye eNingizimu. Kuyini na? Sikhati semvuselelo, uma onkhe sekabutsana ndzawonye. Uke wakuva kutjiyota emphilweni yakho, njengekuva lawomahansi abutsana ndzawonye, noma lawomadada na? Angikaze ngikuve lokunjalo! Futsi ane... Akukho lokunye, indlela lencono yekukwenta.

³⁵ Tikhatsi letinengi, enhla emahlatsini asenyakatfo, ngabuka kucala kwesimo selitulu lesibandzako, eCanada. Sicuku semadada latalelwa khona lapho kuleochibikati, awakaze asuke kuleochibikati, lomfo lomncane akakaze. Nentfo yekucala niyati, umoyana lobandzako wehla uvela eNyakatfo. Leli lelincane, licudze lelidada lelidzadlana, litalwa nje lingumholi, liphumele khona lapho ekhatsi nalesositiba, lisho liphakamisela emoyeni umlonyana walo lelikhala ngawo, likhale kane noma kasihlanu, futsi onkhe lamadada esitiben i eta ngco kulo. Bese liphakama lapho, bese licondza ngco nje eLouisiana ngangoba lingahamba, liya emasimini elelayisi.

³⁶ Ngani na? Abakaze bayitfole indlela lencono yalo kutsi lifike lapho. Ungeke wawabutsisa. Uwafaka ekuphekeni bese... sivalelo, bese uwehlisela lapho ngeloli. Lelodada linemuzwa loncono kunaloko. Bese ulifaka kulelohhoko, kutsi ulehlisele lapho, liyati kutsi licondziswe esibayaneni sekusilahela. Loko kunjalo impela. Lihamba ngendlela leniketwe nguNkulunkulu.

³⁷ Nguleyondlela umuntu labefanele ente ngayo namuhla, angeluselwa ekhatsi ehhokweni lelitsite lelihlelo. Kodvwa ngena ngendlela Nkulunkulu latsite ngena ngayo, ngembhabhatiso waMoya loNgcwele nekuTalwa lokusha, imvuselelo lesalibulo. Hhayi kujoyina libandla, kufuna usuke emnyango uye emnyango, futsi wendlulisa emaphephabhuku; kodvwa kuTalwa, ngekutalwa kabusha, wagcwaliswa ngaMoya loNgcwele, ngendlela yaNkulunkulu, atikhulula yena lucobo eveni. Kunjalo! Ukholwa Livi laNkulunkulu! Li-awa lilapha. Nguloko lesifanele sikukholwe.

³⁸ Ndvodza, ungeke nhlobo... Angikhatsali kutsi bangakhi indvodza lebeyingetama kuya kulesositiba enhla lapho bese itsi, “Manje ake nime umzuzu, nine madada lamancane, nginalokutsite kwekukucoca nani. Sinelidada lelifundzile lapha. LinePh.D. neLL.D. Ngianitjela, linganihola.”

³⁹ Lawomadada anemuzwa loncono kunaloko. Yebo, mnumzane. Akanandzaba nemfundvo yalo lencono, nomangabe kuyini. Ayakwati kuva ngalokukhala lokutsite lelikukhalako. Ngumuzwa wemvelo. O, hhe! Libandla belifanele likwati loko kakhulu ngeLivi laNkulunkulu!

⁴⁰ Ngumsindvo lotsite longacondzakali. LiBhayibheli lasho, Pawula watsi, “Uma licilongo liniketa umpsindvo longacondzakali, ngubani longatilungiselela imphi na?” Kunjalo, uma libandla—uma libandla liniketa umpsindvo longacondzakali weku “joyina.”

⁴¹ Nkulunkulu watsi, “Kutalwa!” KuTalwa lokwakwenta lapho, kuTalwa kwenta lokufanako namuhla, ngoba Jesu Khristu unguye itolo, namuhla, naphakadze. Loko lebekangiko ngalesosikhatsi, Ungiko namuhla. Loko labakwenta ngalesosikhatsi, yintfo lefanako lesiyentako namuhla. Indlela lababanaLo lapho, yintfo lefanako labayenta namuhla. Intfo lefanako labanayo namuhla, nguleyo lebebanayo emuva lapho. Uma Ifika empeleni, Ifika ngaleyondlela. Nguleyo lendlela, indlela leniketwe nguNkulunkulu. Ayigucuki nhlobo.

⁴² Emadada akagucuki nhlobo. Ahamba ngelibulo ngalokuphelele, njalo ngemnyaka, aya enyakatfo, eningizimu, futsi nomangayiphi indlela laya kuyo. Aba libulo kucala.

⁴³ Nguleyondlela Nkulunkulu lenta ngayo. Utsumela Livi laKhe ngesikhatsi lesifanele, lesosikhatsi lesifanele, bese-ke Liyabonakaliswa. Futsi angikhatsali kutsi tingakhi letinye tintfo letentekako; uma babona Livi laNkulunkulu lelitsenjiselwe lolosuku, licinisekiswa futsi letsenjisawa, akukho lutfo lolutobamisa. “Intfombi ntfo iyokhulelw.” Futsi ngesikhatsi basho...

⁴⁴ “INKhosи Nkulunkulu wetfu iyovusa umProfethi lonjengami,” Mosi washo.

⁴⁵ Futsi ngesikhatsi babona loMuntpu eta futsi enta tintfo Latenta, batı kutsi lowo kwakunguMesiya. Ngesikhatsi Filipu akubona loko kwentiwa, watsi, “Wena unguKhristu. Wena uyiNkhosi yaka-Israyeli.” Bekakwati ngoba Livi lalikwetsembisile, futsi kwakuphila ngalolosuku. Akunandzaba kutsi bangakhi baFarisi, baSadusi, lobekeme lapho, boDokotela betebuNkulunkulu, akuzange sekummise nakancane, ngoba bekabuke lesosibonakaliso. Ngesikhatsi asibona sentiwa, leso kwakusibonakaliso seli-awa. Nguloko lebebakubukile, indlela yaNkulunkulu leniketiwe. Yebo, mnumzane.

⁴⁶ Manje bewungeke unike lidada, imfundvo. Belingeke likwente. Belingeke liyifune. Onkhe lalamanye emadada bekangeke alilandzele, akunandzaba kutsi tingakhi tico lebelingatsi linato. “Manje, bukani lapha, ngiye esikolweni semadada. Ngati konkhe ngako. Ngitfweswe tico. Ngiyatati tonkhe letintfo leti.” Kungeke kwente nalokuncane lokuhle.

Akukho nalinye lalalamanye emadada lebelingalilandzela, uma angemadada elucobo, amen, ngoba abuke sibonakaliso lesitsite. Ngesikhatsi abona lesosibonakaliso, ayasikholwa.

⁴⁷ Futsi uma lidada linendlela yekukwati, kutsiwani-ke ngemKhristu lotelwe kabusha na? Besifanele simati Jesu Khristu emandleni ekuvuka kwaKhe. Kunjalo. Nkulunkulu ukwenta ngendlela leniketwe nguNkulunkulu.

⁴⁸ Khumbulani, imfundvo beyingeke yaba lithulusi lekuwaholela endzaweni leniketwe nguNkulunkulu. Lithulusi lanalo lingumuzwa wemvelo. Futsi wona, lawomadada, ayati kutsi lowomuzwa wemvelo utowayisa kanjani endzaweni leniketwe nguNkulunkulu.

⁴⁹ Kanjalo naMoya loyiNgewe utsatsa liBandla aliyise endzaweni leniketwe nguNkulunkulu. Hhayi kujoyina libandla, kodvwa kugewaliswa ngeBukhona baKhe, kubona Livi laKhe libonakaliswa, licinisekiswa. Nguleyo indlela leniketwe nguNkulunkulu yelibandla, sonkhe sikhatsi, leyentelwe bantfu, kubaletsa endzaweni Nkulunkulu labanikete yona. Nguloko kanye libandla lelifanele libe ngiko namuhla. Manje, siyati kutsi loko kuliciniso.

⁵⁰ Ayikho indlela lencono ye...Abakaze bayitfole indlela lencono yeluswane kutsi lutfole lolukufunako kunekutsi lukukhalele. Uma ulunika insimbi lekhala, bese utsi, "Junior, unetinsuku letintsatfu kuphela budzala, kodvwa manje uma ufunu, uma ufunu libhodlela lakho, uphakamise lensimbi lekhala bese uyayikhalisa," ubone kutsi kuyasebenta yini. Akusebenti. Luloswane lukhalela loko lolukufunako. Leyo yindlela leniketwe nguNkulunkulu. Ngesikhatsi lukhala kakhulu...Ungambhacabuli lomfo lomncane, ulandzela kuphela indlela leniketwe nguNkulunkulu. Ufuna intfo letsite. Kunjalo. Nguyonandlela kuphela layatiko kubita make wakhe; uyamemeta ngako, akukhalele. Kunjalo.

⁵¹ Nkulunkulu uncoma loku kubantfwana baKhe. Nkulunkulu uncoma loku kubantfwana baKhe labakholwako. Wakwenta. Hhayi tinkhulomo tetihlakaniphi, hhai isayensi lenkhulu letsite yetenkholo, isayensi yetenkholo yekufundzisa. Ufuna nine nikhalede tidzingo tenu. Futsi loko kunjalo, kakhaleleni kakhulu! Nigogeko kakhulu futsi nisitashi, angeke nize nikutfole. Uma sewulungele kugobeka kalula uphakame kancane, futsi ukhale, Nkulunkulu utokupha kona. Uyatsandza kuva bantfwana baKhe bakhala. Khalelani tidzingo tenu kuNkulunkulu! Nkunkulu uyakufuna. Leyo yindlela yaKhe leniketiwe. Kukhaledeni kakhulu! Nguleyondlela luswane lolukhala ngayo; nguleyondlela Lafuna nikhaledeni ngayo.

"Ngikhale kadze kangakanani na?"

⁵² Luswane lukhala kadze kangakanani na? Luze lutfole kweneliseka. Futsi nguleyondlela umKhristu lokholwako

lafanele ente ngayo, umntfwana waNkulunkulu. Uma ubona kutsi Nkulunkulu wenta setsembiso, ungakuyekeli, khala kuze kuperhendvulwe. Khala uze ubone Nkulunkulu acinisekisa Livi laKhe. Uma Nkulunkulu acinisekisa Livi laKhe, futsi afakaze kutsi sekulapha, khona-ke awudzingeki kutsi ube usakhala; sewukutfolile, suka uhambe futsi uMbonge ngako. Uze wente loko, memeta kakhulu uze ukutfole. Ngiyakutsandza loko, kuba nekuphikelela, ubambelele.

⁵³ Hhayi sitfombo lesibasteliwe, hhayi leso lesitodzingeka kutsi sitototiswe futsi silolotelwe, futsi sihambe sitfwalwa. EmaKhristu anguletiphatsekako, telucobo, letitelwe, timphahla taNkulunkulu. Alwela sikhundla sawo, futsi alwa aze acedze kulomhlaba. Wonkhe umnyakato wako kutsi alwe.

⁵⁴ Nkulunkulu watjela Mosi kutsi Umnika live. Watjela Joshuwa, "Yonkhe indzawo lapho lunyawo, noma ematse elunyawo lwakho, anyatsela kuyo, leyo Ngikunikile yona." Bebadzingeka balwele onkhe ema-intji ayo. Ngako silwela onkhe ema-intji ayo. Akusiyo intfo letsite nje yekutototiswa futsi ilolotelwe, futsi itungeletiswe kanjalo, futsi utsi, "Yebo-ke, ngitokuyisa laphaya, ngibone kutsi ucabangani ngako. Yendlulisa umbono wakho." Leyo akusiyo indlela yekuta.

⁵⁵ Wota unekutimisela. Wota nekutsi utohlala lapho kuze kuphele. Hlala lapho Nkulunkulu aze aphendvule futsi acinisekise. Umuntfu lokholelwa kuNkulunkulu, uyabubona Bukhona baNkulunkulu, ativele Bukhona baNkulunkulu, abuve ngemuzwa Bukhona baNkulunkulu, futsi ati kutsi Ulapha. Ulapha kutsi aphendvule yonkhe intfo Layentela setsembiso salolusuku. Ngako-ke, khala uze uyitfole! Bambelela kuYe. Ungesuki, uma utohlala imini nebusuku. Nkulunkulu akafuni kutsi bantfwana baKhe balalele tinhulumo tetihlakaniphi. Ufuna bakhale kakhulu kuKo, size setsembiso siciinisekiswe.

⁵⁶ Abrahama lapha bekanesidzingo semhlatjelo. Kwentekani na? Nkulunkulu wamnika liwundlu. Leyo kwakuyindlela leniketwe nguNkulunkulu. Bekadzinga umhlatjelo, ngako Nkulunkuu wawuniketa. Kamuva, wabita lendzawo ngekutsi yiJehova-Jayira, "iNkhosi iyoniketa Yona lucobo umhlatjelo."

⁵⁷ Manje, Jobe, ngalesinye sikhatsi, lomprofethi lomdzala, Jobe. Bekangumpprofethi. Bekangene enkhatsatweni. Sathane bekafisile kumlinga, futsi wambhedvukisa ngematfumba. Futsi watsatsa bantfwana bakhe, watsatsa imfuyo yakhe, watsatsa konkhe lebekanako, wase umbhedvukisa ngematfumba.

⁵⁸ Nebadvudvuti bakhe bayefika, bentani na? Abaniketanga lutfo ngaphandle kwekuhalatisa, bamchukuluta, bamtjela kutsi, "Ngani, wena wonile, ngansense."

⁵⁹ NaJobe wavele nje wabambelela ngco. Wakhala kakhulu. Bekacinisekile kutsi bekalandzela imiyalo yaNkulunkulu. Bekente kona kanye nje loko Nkulunkulu beketsembise

kukwenta. Loko Nkulunkulu bekametsembise kona, kutsi Bekatokuma ngakuye, ngaphansi kwemhlatjelo wekushiswa, futsi wahlala lapho.

⁶⁰ Ngako, Nkulunkulu wamniketa umbono. Bekangumprofethi. Wabonani na? Wabona Livi, Jesu Khristu. Watsi, "Ngiyati uMhlengi wami uyaphila. Nasetinsukwini tekugcina, Uyokuma etikwemhlabo. Noma tibungu tesikhumba tibhubhisa lomtimba, kepha noko enyameni yami ngiyombona Nkulunkulu." Niyabona, Wamniketa umbono weluvuko. Yena angumpfethi, wabona Livi. Wabona Livi futsi wati kutsi ematsambo akhe nemtimba wakhe wawuyovuka futsi ngelusuku lwekugcina. Wabutwa kutsi ngabe bekati yini kutsi Nkulunkulu bekakuphi, uma kuphela bekangabona.

⁶¹ Watsi, "Imbal iyaFa, ibuye ivuke; sihlahla sishona phansi, sibuye sivuke; kodvwa umuntfu ulala phansi futsi aphume umphefumulo, aphele nya, ushonaphi na? O shengatsi Ungangifihla ethuneni, futsi ungigcine endzaweni kuze kwendlule lulaka lwaKho."

⁶² Yase-ke imidvumo icala kudvuma, umbane ucala kumanyata, uMoya weNkhosi ufika etikwemprofethi. Wase uyasukuma-ke, wase ubona kuBuya kweNkhosi, wase uyamemeta, "Ngiyati uMhlengi wami uyaphila, futsi ngetinsuku tekugcina Uyokuma emhlabeni. Noma tibungu tesikhumba sibhubhisa lomtimba, enyameni yami ngiyombona Nkulunkulu." Nkulunkulu waniketa Livi, Jesu Khristu, futsi waMbona futsi waMbita ngeMhlengi wakhe.

⁶³ Israyeli bekadzinga indlela yekuphuma eGibhithe, naNkulunkulu wabaniketa umprofethi, umprofethi lowacinisekisa Livi leletsenjisa ku-Abrahama. Impela, indlela leniketwe nguNkulunkulu! Bebaneke baceceshe lisotja, bebaneke bakwente *loku*, bebaneke bakwente *loko*. Intfo kuphela labayenta kwakukulindzela indlela leniketwe nguNkulunkulu. Futsi Wakhuluma, watsi, "Bekayobakhiphia labobantfu, emvakweminyaka lengemakhulu lamane. Bantfu baKhe bebayoba sebugcilini, kodvwa Bekayobakhiphia ngesandla lesicinile. Bekayokhombisa tibonakaliso taKhe netimanga, futsi atfole inkhatimulo kulesosive."

⁶⁴ Naku kwehla indvodza, ngesikhatsi bakhale bakhala! Futsi manje khumbulani, konkhe lokukhala akuzange kubakhulule, saze lesosikhatsi sagewaliseka.

⁶⁵ Letintfo leti lesitibona namuhla, tatingeke tenteka eminyakeni lengemashumi lamabili leyendlula, noma iminyaka lengemashumi lamane leyendlula. Kunamuhla lakwenteka khona. Nguleli li-awa! Ngulesi sikhatsi! Manje sekusikhatsi lokugewaliseke ngaso. Ngani? Nkulunkulu wakwetsembisa, futsi naku.

⁶⁶ Basho, eminyakeni lelikhulu leyendlula, kutsi, "Umbhabhatiso waMoya loNgcwele wawungeke wabakhona futsi." Batsi, eminyakeni lengemashumi lasihlanu leyendlula, "LoMoya loNgcwele..." Kodvwa nine bantfu labangemaPhentekhostali nibafakazele, kutsi kwakuli-awa laNkulunkulu kutfulula Moya loNgcwele. Akunandzaba kutsi iMethodisti, iBaptisti, iPresbyterian, iLuthela yatsini, nahlala ngco neLivi laNkulunkulu. Emadvodza lanesibindzi aphumela lapho futsi abambelela kwaze kwefika Moya loNgcwele, futsi bakhulumma ngetilimi futsi bababata Nkulunkulu. Kute umuntfu longakutjela nomangukuphi lokwehlukile. Nkulunkulu unguhumushi waKhe Yena; ninako. Ningahle ningakhoni kukuchaza, kodvwa niyati kutsi ninako. Ngubani longachaza Nkulunkulu na? Kute umuntfu longamchaza.

⁶⁷ Ngeke senginitjele kutsi Nkulunkulu angawubonisa kanjani umbono, kodvwa ngiyati kutsi uyenteka. Angikhoni kubona kutsi Nkulunkulu angatenta kanjani letintfo leti. Akusiwo umsebenti wami kukuchaza. Yena, uhlala yedvwa. Ungu-Elohim, Lowenele konkhe. Ngiyinceku yaKhe nje. Ngiyati kutsi Wakwetsembisa, futsi ngiyati kutsi kulapha. Nguleyontfo yinye lengiyatiko. Ngiyakwati loko, kutsi Unguye itolo, namuhla, naphakadze. Ngiyati kutsi Wakwetsembisa loku, naNkulunkulu ulapha kwenta setsembiso saKhe sibe liciniso. Ya. Indlela leniketwe nguNkulunkulu!

⁶⁸ Israyeli waniketwa umprofethi, loko kwacinisekisa Livi, futsi bakhishwa. Lomphrofethi, Mosi, waphila iminyaka leminengana ehlane, iminyaka lengemashumi lamane, azabalaza nalabantfu laba, atama kubagcina kuze akhone kubafikisa eveni leletsenjisiwe. Kwefika endzaweni, lendvodza kwabita ife; bekanemyaka lelikhulu nemashumi lamabili budzala. Yayingekho indzawo yakhe kutsi afele kuyo. Ngesikhatsi sekalungele kufa, Nkulunkulu wamniketa liDvwala; leliDvwala lebekalishayile ehlane, leliDvwala lebelibalandzele, lelo lebebanatse kulo. Nkulunkulu wamniketa liDvwala, indzawo yekufela khona, lapho Mosi bekangafa khona kufa lokuhloniphekile.

⁶⁹ EtikwaleliDvwala, Nkulunkulu, angifele kuleloDvwala lelifanako! Ngulapho la ngifuna khona. LeloDvwala lalinguKhristu Jesu. Yebo, mnumzane.

⁷⁰ Emvakwekuba sekafile, etikwaleloDvwala, bekadzinga batfwali belibhokisi lemngcwabo. Nkulunkulu wamtfumelela sicuku setiNgelosi. Kungani kungabi ngulesicuku sakhe semalunga na? Ngoba kute lobekangamtsatsa amyise lapho bekaya khona, ngaphandle kwetiNgelosi. Tamtfwala tamyisa eBukhoneni baNkulunkulu, bekadzinga batfwali belibhokisi lemngcwabo futsi Nkulunkulu wakuniketa. Wahamba ngendlela leniketwe nguNkulunkulu. Haleluya!

⁷¹ Enoki bekahambe iminyaka lengemakhulu lasihlanu naNkulunkulu, futsi waMtfokotisa. Bekadzinga umgwaco lomkhulu kutsi ahambe kuwo aye eKhaya. Nkulunkulu wawuniketa.

⁷² Eliya bekacalekise Jezebeli ngebuso bakhe lobupendiwe, nendlela yakhe lebekayentisa bonkhe bantfu. Futsi bekasakhatsela futsi akhandlekile, futsi besalungele kuya eKhaya. Bekasaguge kakhulu sekulukhuni ngisho kutsi awele iJordani; Nkulunkulu wamniketa indlela kutsi ewele iJordani. Bekafuna kwenyukela eZulwini, kuyohlangana naNkulunkulu; Nkulunkulu watfumela incola yemilo yehla, nemahhashi, futsi wamtsatsa wamenyusa. Indlela leniketwe nguNkulunkulu. Indlela leniketwe nguNkulunkulu. Uhlala njalo akwenta impela nje. Kunjalo. Yebo, mnumzane. Nkulunkulu uniketa indlela, sonkhe sikhatsi. Yebo.

⁷³ Letati, ngesikhatsi tisendleleni yato tivela enhla eBhabhiloni, tatibona indlela tatifuna kwehla, ngoba betati kutsi leNkhosi yayitolalwa. Tatidzinga inkhombandlela; Nkulunkulu bekanikete iNkhanyeti. Tashiya yonkhe lenye intfo ngemuva. Tatingadzingi tinkhombandlela; talandzela leNkhanyeti. Yayiyindlela leniketwe nguNkulunkulu. Nkulunkulu waniketa indlela, tatalandzela leNkhanyeti taze tatfola kuKhanya lokuphelele. O!

⁷⁴ Umhlabla wawudzinga uMsindzisi, ngalelinye lilanga. Bebalahlekile; bebangakwati. Bebacabanga kutsi bebasindzisiwe, kodywa bebadzinga uMsindzisi. Nkulunkulu wanikela ngeNdvodzana, ibe nguMsindzisi. Ngani na? Kute lomunye futsi lobekangakwenta. Kwakungekho muntfu emhlabeni, kungekho muntfu eZulwini, angekho ndzawo, lobekangakhona kukwenta. Nkulunkulu wasibekela intfombi ntfo, yakhulelwu futsi yatala uMntfwana weSilisa. NalowoMntfwana weSilisa bekangesilo liJuda noma weTive. BekanguNkulunkulu, wabonakaliswa enyameni, lokunguYena kuphela lobekangahlenga. INgati yaKhe iyasisindzisa. INgati yaKhe iyasiphilisa. NguleyoNgati lesingema kuyo, kunoma ngusiphi setsembiso Lasenta. Nkulunkulu wetsembisa kusenta.

⁷⁵ Nkulunkulu uhlangana kuphela nesikhonti ngeNgati, nangaphansi kweNgati. Israyeli bekanendzawo yinye yekuhlangana naNkulunkulu. Hhayi e...Nkulunkulu uneNdzawo yinye, namuhl, La—Lahlangana kuyo nesikhonti; hhayi eMethodisti, Baptisti, noma ePhentekhostali. Uhlangana nabo ngaphansi kweNgati. Nguleyondlela kuphela leniketiwe Nkulunkulu lanayo; hhayi enhlanganweni, hhayi enyonyanen. Kodvwa eNgatini ngulapho la Jesu Khristu ahlangana khona nesikhonti saKhe. “Uma Ngibona iNgati!” Leyo yindlela leniketwe nguNkulunkulu.

⁷⁶ Emvakwekuba libandla lase likholisisekile, ngesikhatsi sebaMbonile, kutsi BekanguMesiya!

⁷⁷ Ngesikhatsi lowesifazane lomcane emtfonjeni, ngesikhatsi bekadzinga uMsindzisi, bekadzinga lokutsite kukhombissa. Bekakadze asebandleni nayo yonkhe lenye intfo, futsi bebakadze babone lesivumokholo lesi nalesosivumokholo, kwaze kwatsi, wagucuka waba yingwadla. Kwammikisa esitaladini. Ngalelinye lilanga, bekayokha libhakede lemanti, cishe ngensimbi yelishumi nakunye emini, futsi nako kuhleti iNdvodza; liJuda enhla lapha, kulendzawo lesemonisweni. Futsi lowesifazane watsi...

⁷⁸ Ngesikhatsi sekatsi uyophonsa phansi libhakede lakhe etikwengwedlo, kutsi akhe emanti, weva iNdvodza itsi, "Mfati, Nginatsise." Wase lowesifazane utsi...

⁷⁹ Wajika ngekushesha, futsi aMcabanga kutsi uliJuda lelejwayelekile nje, ngoba Bekangumuntfu nje mayelana nemtimba. BekayiNdvodza; adla, anatsa, walala, njengoba senta. Bekangumuntfu kakhulu ngangekutsi Wakhona ngisho nekutsi afe, kepha noko BekanguNkulunkulu. Ngako-ke siyatfola, kutsi ngesikhatsi...

⁸⁰ Watsi "Akusilo lisiko kutsi nine maJuda nicele emaSamariya tintfo letinjengaletu."

⁸¹ Watsi, "Kodvwa kube bewati kutsi Ngubani lobewukhuluma naye, bewutocela kiMi emanti." Watsi, "Hamba ulandze indvodza yakho ute lapha."

Watsi lowesifazane, "Anginandvodza."

⁸² Watsi, "Ushito liciniso. Bewunalasihihanu, nalena lohlala nayo manje ayisiyo yakho." Kwentekani na? Nkulunkulu bekamnikete intfo letsite.

⁸³ Watsi, "Mnumzane, ngiyabona kutsi ungumprofethi Wena. Siyati kutsi uma Mesiya efika, Utositjela letintfo leti. Nguloko Latokwenta. Livi lisho njalo. Sibuke kona. Sengikhatsese ngidziniwe ngito tonkhe letintfo leti, tivumokholo tabo netintfo, baFarisi, baSadusi, nebakaHerodi, noma kungahle kube yini. Kodvwa siyati Mesiya uyeta, uma Efika. Utsini Wena ngako na?"

⁸⁴ Watsi, "NginguYe." Amen! Nkulunkulu bekanikete indlela. Washiya imbita yemanti, asanguwesifazane logucukile, wase ugijimela edolobheni, futsi watsi, "Wotani, nibone uMuntfu Longitjele tintfo lengitentile. Ngabe akusuye yini Mesiya lona na?"

⁸⁵ Phetro, alalele indzaba ya-Andreyta, futsi tikhatsi letinengi bekakadze alalele, weva Andreyta akhuluma ngaJohane etfula Mesiya, naleNdvodza, nato tonkhe letintfo leti tenteka. Konkhe kwakuyimfihlakalo kuPhetro. Kodvwa ngalelinye lilanga ufika na-Andreyta, kutobona Jesu. Futsi ngesikhatsi efika eBukhoneni baJesu, Jesu wambuka, wase Utsi, "Ligama lakho unguSimoni,

futsi uyindvodzana yaJonase.” Nkulunkulu bekanikete indlela yaPhetru kutsi abone kutsi BekanguBani. BekangulowoMesiya.

⁸⁶ Manje siyatfola, kutsi emvakwekuba Jesu sekafile, futsi wenyukela eZulwini, libandla lalidzinga Emandla, kutsi lifakaze. Nkulunkulu ubanika iPhentekhosti. Waniketa iPhentekhosti.

⁸⁷ Iminyaka letinkhulungwane letimbili seyendlulile, bangani. Iminyaka letinkhulungwane letimbili seyendlulile. Kuletinsuku leti tamuva, sitfole kanjalo, umuntfu sewungene enchubeni yebuKhristu futsi sewuphindze waBuphendvuketela futsi, waBubhastelisa netivumokholo, emabandla, emahlelo, tinkhulomo tetihlakaniphi, sekuze kutsi eMandla nentfo sibili yeliVangeli laKhristu sekulahleke mbamba. Futsi naku la sikhona neLivi leletsenjiselwe lolu tinsku tekugcina, lokuyokwenteka, lokutokwenteka; umuntfu akaLikhola. Basukile kuLo. Ubabuta kutsi ngabe bangumKhristu yini; batsi, “Ngisontsa kus’*bani-bani*.” Loko akusho ngisho nayinye intfo. Ufanele ube ngumKhristu ngekutalwa. Manje sinayo yonkhe lentfo iseBhabhiloni futsi, emvakweminyaka letinkhulungwane letimbili.

⁸⁸ Libandla namuhla lidzinga eMandla neliCiniso, futsi. O! Nkulunkulu wavusa iNdvodzana yaKhe, kutsi loku kuyonakekelwa, ngoba Watsi, “Kusesikhashana nje live lingeke lisaNgibona; kepha noko nine nitaNgibona, ngoba Ngitawuba nani, ngisho nakini.” Siyatfola, kumaHebheru 13:8, “Unguye itolo, namuhla, naphakadze.”

⁸⁹ Siyatfola, kuMalakhi 4, kutsi Wasetsembisa uMlayeto etinsukwini tekugcina, loyo “buyisela kuKholwa kwebantfu kubuyele kubobabe futsi.” Wakwetsembisa, ngetinsuku tekugcina.

⁹⁰ Wetsembisa futsi, kuJohane 14:12, “Loyo lokholwa ngiMi, lemisebenti lengiyentako Mine naye uyoyenta. Ngisho nalemenengi kunalo, noma lemikhulu kunalo, uyoyenta, ngoba Mine ngiya kuBabe waMi.”

⁹¹ Bekakhulumu ngalelinye lilanga. Batsi, “Nkhosi, sikhombise sibonakaliso.”

⁹² Watsi, “Situkulwane lesibutsakatsaka nalesiphingako sifuna sibonakaliso.” Ngulesositukulwane lesiphila kuso namuhla. Watsi, “Futsi Ngiyobanika sibonakaliso. Ngoba njengaJonase bekasesisitwi semkhoma, tinsku letintsatfu nebusuku, kanjalo neNdvodzana yemuntfu itobasenhliitywemi yemhlaba, tinsku letintsatfu nebusuku.”

⁹³ Hloboluni lwesibonakaliso situkulwane lesibi nalesiphingako lebesingasitfola na? Sibonakaliso sekuvuka. Futsi nguloko lesetseniswa kona namuhla, sibonakaliso sekuvuka kutsi Usaphila, Unguye itolo, namuhla, naphakadze.

⁹⁴ Watsi, “Njengoba kwakunjalo etinsukwini taLoti,” njengoba sendlule kuko itolo ebusuku. “Tinsuku taLoti, lokwenteka etinsukwini taLoti, kuyoba njalo ekubuyen'i kweNdvodzana yemuntau.” Letintfo leti lesetenjisa tona, leminye leminengi imiBhalo. Kuvimbela kudla sikhatsi... “Kusesikhashana nje nelive lingeke lisaNgibona. Kosmos, ‘luhlelo, umnyaka welibandla,’ bangeke basaNgibona. Kepha noko nitaNgibona nine, ngoba Ngitawuba nani, ngisho nakini, kuze kube sekupheleni kwemnyaka.” “Jesu Khristu longuye itolo, namuhla, naphakadze.” Kuyini na? Sibonakaliso lesiniketwe nguNkulunkulu, indlela leniketwe nguNkulunkulu.

⁹⁵ Abrahama alindzele indvodzana. Sibonakaliso sekugcina lasibona ngaphambi kwekubhujisa kwebeTive, sasinguNkulunkulu abonakaliswa enyameni, lobekati timfihlo tenhlitiyo yaSara ngesikhatsi asethendeni. Jesu watsi, “Loko kuyobuya futsi ekubuyen'i kweNdvodzana yemuntau.” Mnaketfu, dzadze, ngikholwa kutsi siphila kulolosuku. Ngikholwa kutsi ngulolu lolusuku lwesetsembiso.

⁹⁶ Nitofanele nibe nekukholwa kuloko lenikwentako. Uma ningenako kukholwa, uma nje nikutsatsa ngekuticabangela... Ligama *kuticabangela*, ngekusho kwaWebster, kusho kutsi, “kwenta ngaphandle kweligunya.” Kodvwa uma Livi likwetsembisa, naNkulunkulu ema emvakwaleloLivi, anisaticabangeli nje. Nenta kona kanye nje loko Nkulunkulu latsi kwenteni, futsi Ubophelelekile kutsi aKwesekele.

⁹⁷ Lomkhulu, lodvumile, u—umvuseleli, eminyakeni leminengi leyendlula, ngimbonile ngsengumfanyana, bekanguPaul Rader. Wacoca indzaba, ngalelinye lilanga, leyayihlala njalo ingihlupha. Watsi, “Ngalelinye lilanga, sasigawula tingodvo.” Bekangumgawuli-tingondvo, enhla e-Oregon, futsi watsi basi wamtjela kutsi enyukele esicongweni seligcuma. Bekaphupha. Lapho bekakhona sibili, ngesikhatsi, bekasentasi etichingini; wase ungenwa ngumkuhuhlane, ashisa mbamba, futsi bekafa. Baya kuyofuna dokotela, kodvwa kwakukhweshe ngemamayela ngemamayela, ngesikebhe lesigwedlwako.

⁹⁸ Ngaphambi kwekutsi dokotela efike lapho, Paul wacala kufiphala, uya ngekugula ngekugula. Wabita umkakhe lowetsembekile. Watsi, “S’tandwa, kuya ngekuba mnyama lakamelweni, kuba mnyama kakhulu, kuvaleka ekhatsi.” Wase ubuyela ekuculekeni.

⁹⁹ Futsi ngesikhatsi enta, watsi waphupha, ngesikhatsi asolo aculekile, kutsi basi wakhe wamtfuma enhla kutsi ayogawula sihlahla lesitsite. Wasitfola lesihlahla, wasigawula lesihlahla, waphisela lizembe lakhe kuso, wase uyagobondzela kutsi asicukule. Bekangakhoni nje kusicukula. Watsi emandla akhe bekaphela. Akakhonanga nje kusicukula. Watsi, “Bonkhe lobukhulu besihlahla lesingaba ngibo, impela

ngingasicukula leso. Asengitame futsi.” Wase uyagobondzela wase uyaluphakamisa, washikashikeka nje wate wakhandleka. Wahlala phansi eceleni kwesihlahla, wase utsi, “Angati nje kutsi ngitokwentanjani. Basi uyasidzinga lesihlahla entasi lapho ekhempini, futsi mine ngibutsakatsaka kakhulu kutsi ngisehlise.”

¹⁰⁰ Watsi weva liPhimbo lelimnandzi kunawo onkhe lake aewa, kwakungubasi wakhe lobekakhulum; kodvwa watsi, ngesikhatsi agucuka kutsi abone kutsi bekangubani lobasi wakhe, kwakuyiNkhosi Jesu. Watsi, “Paul, yini lololwa ngayo kangaka na? Yini konkhe locakeka ngako na? Uyawabona lawomanti ageleta lapho na?” Watsi, “Awuluphonsi ngani nje lolugodvo lakhatsi emfuleni, bese uyalugibela wewuke? Lugibele uye le enkambu.”

¹⁰¹ Wagcumela kulolugodvo wase ucala kwehla ewuke ngemigeleto, amemeta ngalo lonkhe liphimbo lakhe. “Ngilugibe! Ngilugibe!”

¹⁰² Mnaketfu, dzadze, Jesu Khristu wetsembisa letintfo leti kutsi tenteke etinsukwini tekugcina. Ngikholwa kutsi siphila lapha. Ngikholwa kutsi Nguye itolo, namuhla, naphakadze. Angati kutsi kwenteka kanjani, kodvwa ngligibe. Ngikholwa kutsi LiliCiniso, ngoba LiliVangeli, indlela leniketwe nguNkulunkulu. Ngikholwa kutsi LingumMayeto weli-awa, sikhatsi lesiphila kuso. Liyindlela leniketwe nguNkulunkulu. Ngligibe!

Ningete nagcumela kulo kanye nami, sisakhotsamisa tinhloko tetfu na?

¹⁰³ Babe loseZulwini, sigibela eNkhatimulweni etikweLivi laKho. Sikholwa kutsi Livi laKho liliCiniso. O Nkulunkulu, kwangatsi wonkhe wesilisa newesifazane, kusihlwa, bangagibela Livi, futsi bakhumbule, lapho bahambisana badzabula behlela eluhambeni, bangavuma, “Nggibebe setsembiso saNkulunkulu. Sitongiyisa eNkhatimulweni ngco. Siyindlela leniketwe nguNkulunkulu yami namuhla. ‘Jesu Khristu longuye itolo, namuhla, naphakadze.’”

¹⁰⁴ Wena watsi, “Kusesikhashana nje live lingake lisaNgibona, kepha noko nine nitawuNgibona; ngoba Ngitawuba nani, ngisho nakini.” Wasetsembisa, Nkhosi, kutsi siyoKubona.

¹⁰⁵ EmaGrikhi ayafika, ngalesinje sikhatsi, ase atsi, “Banumzane, sifuna kubona Jesu.” Futsi anikwa lelotfuba. Futsi kusihlwa, Nkhosi, sifuna kuKubona, natsi. Kusifiso senhlitiyo yetfu. Akekho longake aze eve ngaWe, ngaphandle uma bafuna kuKubona. Ngako-ke uma lamaGrikhi wavunyelwa kuKubona, futsi Wasiniketa indlela kutsi siKubone, Wena uhlala njalo wenta indlela ngoba unguLonguye itolo, namuhla, naphakadze. Inceku yaletsa lamaGrikhi eBukhoneni baKho, futsi atfola kuKubona. Siphe litfuba lelifanako kusihlwa, Babe. Kwangatsi

tsine, njengetinceku, singaletsa letetsameli leti eBukhoneni baKho. Futsi kwangatsi singabona Jesu, kusihlwa, Longuye itolo, namuhla, naphakadze. Siphe kona, Nkhosi.

¹⁰⁶ Sindzisa labalahlekile, Nkhosi, uma kubakhona indvodza, umfati, umfana, noma intfombatane. Uma sibona sive sakitsi sonakele kangaka ngebabulali nekusilaha umphimbo, netimphindvuketelo nekubona konakala esiveni namuhla! Nekubona konakala emabandleni, nekubabona baholeleka kuloko kusilahwa kwenkholo yonkhe enhla lapho, ngoba abahambi ngendlela leniketwe nguNkulunkulu! Bahamba ngendlela yalesinye sivumokholo esikhundleni sekuta ngeLivi.

¹⁰⁷ Nkulunkulu, siyakhuleka kutsi lelo angempela, elucobo, emaKhristu latelwe, njengoba ngikufanekisile, ngekuba ngemadada sibili, ba... “Timvu tami tiyaliva liPhimbo laMi, umfokati angeke timlandzele.” Nkhosi, liPhimbo laKho liLivi. Loko bekuhlala njalo kuyindlela yaKho leniketiwe yeliBandla neyebantfu, Livi laKho. “Livi laKho liliCiniso.” Futsi Wena uLivi. NeliBhayibheli liyasitjela, “Livi laNkulunkulu likhalipha kunenkemba lesika ngetinhlangotsi totimbili, lingumhloli micabango netinhloso tenhlitiyo.”

¹⁰⁸ Kungani Israyeli angakhonanga kubona Mesiya wabo, ngesikhatsi babona kutsi BekangleloLivi, ngesikhatsi Akhona nekuhlola imicabango lowawusenhlityweni yabo na? Abakwentanga ngani na? Bakucondza ngebaprofethi, kutsi baprofethi bakhona; kodvwa ngesikhatsi kugcwala kwaNkulunkulu kwentiwa eNdvodzaneni yaKhe, futsi Waphila emkhatsini wetfu, base-ke bayehluleka kukubona ngoba bebahumphutsekile.

¹⁰⁹ Nkhosi, labo labanemehlo abo avulekile, kusihlwa, kwangatsi singabona Jesu emkhatsini wetfu. Kwangatsi wonkhe umunfu logulako angaphiliswa. Kwangatsi loku kungakucatulula, Nkhosi, kutsi bangeke balokotse, nhlobo, kusukela kuleli-awa kuchubeke... kodvwa lowo lotokholwa kutsi Wena unguMesiya. Beta ngendlela yaNkulunkulu. Labanengi babo bakhona lapha, kusihlwa, bayafa. Kunalabanengi lapha, kusihlwa, labo mhlawumbe labangeke babe lapha liviki kusukela namuhla, uma Wena, lusito lwaKho lungefiki.

¹¹⁰ Manje, Babe, Ubopheleleke kuphela ngaloko Lowakwetsembisa. Kodvwa Wetsembisa kutsi sasiyoKubona. Wetsembisa kutsi Lowakwenta natsi sasiyokwenta. Ngilo li-awa leli. Ngikuvumile; ngiyakukholwa. NgiKuvile usho njalo; Livi laKho lisho njalo. Kucinisekise ke. Ngiyati kutsi kuliciniso. Manje akwateke ke, Nkhosi. Kubhaliwe, manje akwentiwe, ngenca yeMbuso waNkulunkulu. Amen.

¹¹¹ Angikholwa kutsi sitobita lilayini lalabakhulekelwako. Ngikholwa kutsi nje ngitokusebentisa ngikhona lapha.

¹¹² Bangakhi kini logulako? Manje ningaba yi... Ubambe sandla sakho, ufkaza kutsi uyagula.

¹¹³ Bangakhi kini labatofakaza intfo lefanako, “Mnaketfu Branham, impela angikasindziswa”? Ungasiphakamisa yini sandla sakho utsi, “Ngikhulekele”? Nkulunkulu akubusise, wena. Loko kuhle. Loko yi... Nkulunkulu akubusise. “Angikasindziswa.”

¹¹⁴ Manje, nine leniphakamise tandla tenu, nani nine leningakatiphakamisi, “Kodvwa, Mnaketfu Branham, ecinisweni ngifuna kusindziswa. Yinhlitiyo yami. Ngikholwa kutsi akukho lokusele kwanoma ngubani eveni.” Yini lokunye, yini lobewungayizuza, lebeyingaba yinkhulu kwendlula insindziso yakho na? “Ngikhulekele. Ngifuna kusindziswa.” Ungasiphakamisa sandla sakho, kusosonkhe lesakhiwo, nomangukuphi, “Ngifuna...”?

¹¹⁵ Bangakhi kini labangakamemukeli Moya loyiNgcwele, utsi, “Ngiyati ngifanele ngiMemukele”? Phakamisani tandla tenu. “Angikamemukeli; ngiyafuna.” Kulungile, kunalabayingcosana sibili longakamemukeli.

¹¹⁶ Manje, Khristu uyaligcina Livi laKhe, futsi nifanele nigcine kukholwa kwenu kukuYe. Yena uLivi. Manje, emaHebheru sahluko se 4, asho kutsi, “leLivi laNkulunkulu,” lelinguKhristu. Khristu uLivi. Nonkhe niyakwati loko na? Tsanini “amen.” [Libandla litsi, “Amen.”—Umhl.] Yena uLivi, “nguye itolo, namuhla, naphakadze.” Lebekangiko kuMosi, Bekangiko naku-Elija; Loko lebekangiko ku-Elija, Bekangiko kuJohane; loko Lebekangiko kuJohane, Watiphelelisa Yena lucobo ku—kuJesu. Futsi namuhla Uyafana njengoba Bekanjalo ngalesosikhatsi, futsi kusasolo kuLivi laNkulunkulu liprofethelwe lolusuku, lokuMenta abe kuKhanya lokukhanyisa bha futsi kucinisekise Livi leletsenjisiwe.

¹¹⁷ Sisekupheleni kwesikhatsi, bangani. Jesu ukhona. Ngiyati nikuvile loko.

¹¹⁸ Kube-ke awuzange uke ubone, emphilweni yakho, futsi ungazange waba nemuzwa wekubona, kungekho sidalwa lesingumunfu lesakwenta, kodvwa kutsi kanye ngesikhashana weva kuva lokufutfumele sibili na? Futsi ngaba nekubona, ngangingabona, futsi ngakutjela kutsi kwakulilanga. Wena utsi, “Angati kutsi kwenteka kanjani, kodvwa ngitfolka kuva, njengalokufutfumele, ungeva.”

Ngitsi, “Lelo lilanga.”

“Yini lilanga?”

“Kukhanya.”

“Yini kukhanya?” Konkhe bekungaba ngumhlaba lomusha kuwe.

¹¹⁹ Kodvwa kube-ke benginitjele kutsi Jesu Khristu bekeme lapha manje ke? Kube-ke benginitjele kutsi Usemekhatsini wetfu ke? Wakwetsembisa. “Nomakuphi lapho kubutsene lababili noma labatsatfu ngeliGama laMi, naMi ngisemkhatsini wabo. Nami Ngikhona!” Manje loko kusemkhatsini wekutsi kuliCiniso, kimi, *Leli* ngilo lonkhe liCiniso, noma nakungenjalo aLisilo liCiniso. *Leli* lisekhatsi kwekutsi liCinisile, noma nakungenjalo alisilo liciniso.

¹²⁰ Manje, mayelana nekusindzisa nine, Wakwenta loko ngesikhatsi Afa eKhalvari. Aniphilisa, Wakwenta loko ngesikhatsi Afa eKhalvari. Niyakukholwa loko. Livi latsi Wakwenta.

¹²¹ Manje intfo kuphela Lebekangayenta, kube Bekeme lapha a—agcoke lesudu, Langipha yona, bekungaba kuphela bufakazi kini kutsi BekangoMesiya.

¹²² Hhayi ngetibati tetipikili esandleni saKhe. Nomangumuphi umzenzisi angakwenta loko, abeke tibati tetipikili, nengati ebusweni bakhe, netibati netintfo. Loko kungentiwa. Loko bekukhona. Umuntfu lomnengi waze wabetselwa ngisho njengaYe. Loko akusiko.

¹²³ Kodvwa kuPhila kwaKhe, lokwakukuYe! “INDvodzana ingeke yente lutfo, ngekwaYo, kodvwa Loko lebona uYise akwenta.” KuPhila lokukuYe, lokwafakaza. Hhayi ngoba BekaliJuda kutsi lowesifazane lomncane emtfonjeni waMkholwa kutsi unguMesiya; ngoba Bekakwati kuhlolamimicabango lowawusenhlitiyeni yakhe, loko kwaMenta Mesiya. Uma leyo kwakuyindlela Mesiya Latetfula ngayo etinsukwini letendlula, leyo kwakuyindlela yaKhe leniketiwe kutsi Atente atiwe. Leyo yindlela yaKhe leniketiwe, ngekwemBhalo, walomnyaka. Niyakukholwa loko na? [Libandla litsi, “Amen.”—Umhl.]

¹²⁴ Manje, ngamunye wenu lapha, ngisihambi. Ngicalatile, angiboni muntfu lengimatiko. Wonkhe umuntfu ekhatsi lapha, longangati, nalowatiko kutsi angati lutfo ngani, phakamisani tandla tenu. Kucinile, ndzawo tonkhe. Lomuntfu lolele lapha kuloluhlaka lwembhedze, uphakamise sandla sakhe. Bekangangati. Akukho muntfu longatiko.

¹²⁵ Kodvwa khumbulani, Nkulunkulu uyanati. Nkulunkulu uyanati. Manje, uma Afakaza kutsi Ulapha.

“Kuyini, Mnaketfu Branham?” Siphiwo.

¹²⁶ Yini siphiwo na? Yini siphiwo, empeleni na? Akusiko kutsatsa intfo letsite bese usebentisa intfo letsite, utsi, “Nginesiphiwo sekuphilisa! Ngiyaphuma bese ngiphilisa *lona*, ngiphilise *loya*.” Kube bengingakwenta, impela bengiyokwenta. Manje, kodywa, siphiwo, futsi nine-nine... Nisihumusha kabi siphiwo. *Siphiwo* sikutsi nje “utikhweshise wena endleleni bese

uyekela Moya loyiNgewe akusebentise.” Niyabona na? Nguleso ke siphwo.

¹²⁷ Unguloko-ke umfundisi. Akashumayeli loko lafuna kukushumayela. Uvele nje atikhweshise yena endleleni, siphwo, futsi kufika kuphefumulewa, futsi u—ukhuluma ngekuphefumulela kwaMoya loyiNgewe. Nomangusiphi lesinye siphwo yindlela lefanako. Manje, tiphiwo tebufundisi, nakanjalonjalo, bekunjalo. Kukhona, kucala, setiphiwo letiniketwe nguNkulunkulu, kutsi, “kucala baphostoli, baprofethi, bothishela, bafundisi, nebavangeli.” Nguleto letikhundla. Leso tiphiwo tetfu.

¹²⁸ Manje, Jesu Khristu wetsembisa kutsi Uyokwenta loku etinsukwini tekugcina. Uma Akwenta, uma Etsembisa loko futsi atokwenta, bangakhi labatokholwa futsi baMemukele, kusihlwa? Phakamisa sandla sakho, utsi, “NgitoMemukela.” Bangakhi ekhatsi lapha-ke...Ngiyabonga. Bangakhi ekhatsi lapha longakaze abe kulumunye wemihlangano ngaphambili, phakamisa sandla sakho. Hhe, cishe hhafu walesicuku. Bangakhi lokholwako, ngaphambi kwekutsi Akwente, niyakhola nomakunjalo na? Nkulunkulu anibusise.

¹²⁹ Manje bukani. Uma nginitjele liCiniso, Nkulunkulu ubophelelekile kutsi angiphendvule. Utongiphendvula. Ufaka emaVi aKhe emlonyeni wakho futsi Ayaphatseka. Kunjalo, LingemaVi aKhe, Litofanele likwente. “Ngitfumele Livi laMi, Angeke libuye lilambatsa.”

¹³⁰ Manje, kube bengingaphilisa, bengingakwenta. Njengalohloniphekile nje, longasekho, uMnaketfu Upshaw lebesikhuluma ngaye. Leyondvodza lendzala ihleti emuva lapho kulesositulo semasondvo, indvodza lendzala lelichawe, ngabe ngamphilisa kube ngangingakwenta. Ngacala kusuka ngembili lapha, ecinisweni, ngase ngiyagucuka futsi ngambona embonweni, esuka, ahamba. Ngambita, ngamtjela kutsi kwakuyini, futsi kwakunguloko. Wasukuma futsi wahamba, uta ngembili la, watsintsa tintwane takhe, emvakwekuhubateka iminyaka lengemashumi lasitfupha nesitfupha. Niyabona na?

¹³¹ Ngebusuku lobufanako, dzadze lolikhalatsi, nemntfwanakhe, entasi lapho eceleni. Ngatsi, “Ngibona lomunye do—dokotela lofake tibuko, futsi—futsi uhlindze lencane, intfombatane lelikhalatsi, futsi kuyichwalisile kusukela emphinjeni wayo.”

¹³² Wesifazane lomdzala lolikhalatsi, kwakulukhuni kutsi umbbambe umsuse langembili. Watsi, “Nkhosi, hawukela, loyo ngumntfwanami!” Futsi nangu eta, sicuku sabo-asha sasingakhoni ngisho nekumbamba.

¹³³ Ngatsi, “Anti, ngeke kukusite kwenyukela lapha. Loko akusiko...Lowo nguNkulunkulu.” Ngatsi, “Ngeke kukusite ngalutfo kuta lapha. Kholwa nje.” Wase ugucha ngemadvolo

akhe wase ucala kukhuleka. Ngabuka ngale kutetsameli ngase ngibona indlela lencamula emkhatsini wetakhiwo, kungatsi, ihamba. Ngabona intfombatane lencane lelikhalatsi nemdola emikhonweni yayo, yehla ngendlela lencamula emkhatsini wetakhiwo. Ngase ngiyayibuka lelencane, intfombatane lelikhalatsi, ngabuka emuva, futsi kwakungiyo yona leyo. Ngatsi, “Sekuphendvuliwe.” Yasukuma, futsi yasho yasuka eluhlakeni lwembhedze. Niyabona na?

¹³⁴ NguNkulunkulu. Niyabona na? NguNkulunkulu. Niyabona na? Ngeke a...Kute longaphilisa. Kukholwa kwakho kuNkulunkulu.

¹³⁵ Manje, liBhayibheli lasho, kutsi, “UngumPhristi loMkhulu, khona manje, lonekuvelana nebutaksaka betfu.” Niyakukholwa loko na? [Libandla litsi, “Amen.”—Umhl.] UmPhristi loMkhulu! Manje, uma AngumPhristi loMkhulu, Bekatokwenta kanjani na? Uma Anguye itolo, namuhla, naphakadze, Bakatokwenta ngalokufanako itolo, namuhla, naphakadze.

¹³⁶ Manje khulekani, futsi nivumele Moya loNgewe ke... Tsanini kuNkulunkulu, “Nkulunkulu, lomuntfu lome laphaya akangati, kodvwa loko Lakushoko kunemcondvo. Wena uyafana. UnguKhristu. Ngiyagula. Ngiyadzinga. Futsi uma Ungivumela kubeskhatsti kwekutsi ngi... Uma ngingenako kukholwa kutsi ngikwente, akutsi umuntfu lengimatiko abe nekukholwa, futsi akutsi... Bita bese uvumela—vumela—vumela mine noma lowomuntfu atsintse umphetfo weSembatfo saKho eNkhatimulweni. Bese-ke uma lowomuntfu aphumile endleleni, bese-ke Usebentisa umlomo wakhe kutsi aphendvule, futsi nje ukwente ngendlela lefanako Lowenta ngayo ngesikhatsi Usesemhlabeni. Ngitokwati kutsi Unguwe itolo, namuhla, naphakadze.”

Asikhotsamise tinhloko tetfu manje.

¹³⁷ Nkhosi Jesu, kugucuka kusuka ebuvangelini kuya emsebentini wekuprofetha, kodvwa noko ngiyaKukholwa, Nkhosi, Wakwetsembisa. Futsi ngikhulekela kutsi Utosipa kona, kusihlwa. Siphe kona. Ngive. Uma letetsameli setisuka lapha, kusihlwa, bese siya ekhaya, kwangatsi singasho njengalabo lebebavela e-Emawuse, “Tinhlitiyo tetfu betingavutsi yini ngekhatsi kwetfu lapho Asakhulumna natsi endleleni na?” Jesu wavuswa kulabafile; abazange bakwati. Bebakulumna naYe; abakwatanga. Kodvwa ngesikhatsi Sekabafake endlini, futsi wavala umnyango, khona-ke Wenta intfo letsite ngendlela Layenta ngayo ngaphambili kwekubetselwa kwaKhe. Loko kwavula emehlo abo. Babona kutsi kwakunguYe. Futsi, Nkhosi, kwangatsi tinhlitiyo tetfu tingavutsa njengoba siya ekhaya kusihlwa, njengoba kwenta tabo. Ngoba siyati kutsi Ukhulume kitsi endleleni. Yenta

letintfo, kusihlwa, leto Lowatenta ngesikhatsi Uselamhlabeni, ngoba Unguwe itolo, namuhla, naphakadze. Sicela eGameni laJesu. Amen.

¹³⁸ Manje banini semkhulekweni futsi nje nikholwe. Asehlukanise loluhlangotsi *lolu*, kucala. Akunandzaba kutsi nikuphi, kulesakhwiwo, khawlani Nkulunkulu. Ngifisa kungatsi wonkh'umuntfu bekangahlonipha ngekutitfoba sibili futsi ahiale athule, akhuleke.

¹³⁹ Loku akunakwentyeka mbamba. Bengikhuluma manje ekuseni, ekudleni kwasekuseni kwebafundisi, "imphicabazala." *Imphicabazala* ingulokungakholwakali, "intfo letsite lengakholwakali, kepha noko iliciniso." Niyati kutsi Moya loyiNgewe bekangema lapha futsi akhulume intfo letsite kuletotetsameli, kubantfu lengingabati, bekungaba yimphicabazala. Kuyintfo letsite lengeke seyichazeke. Angati kutsi Utoyenta. Ngiyetsema nje kutsi Utoyenta, ngitsema kutsi Utoyenta.

¹⁴⁰ Manje khuleka nje, futsi utsi, "Nkhosi Jesu, ngifuna kutsinta sembatfo saKho, futsi ngi—nginesidzingo. NgiyaKwetsembisa, Nkhosi, ngito—ngitoKukhonta yonkhe imphilo yami." Nkulunkulu ufunu uphendvuke. Uma ungakaphendvuki; phendvuka, utsi, "Ngifuna kuphendvuka, Nkhosi. Ngifuna kutsi Wena ungiphilise. Ngifuna kutsi Wena unghibusise. Ngiphilise manje Nkhosi. Ngiyinceku yaKho."

¹⁴¹ Bengito... Niwakhophile emakhadi ekukhulekelwa namuhla na? Bengitobuta Billy nje kutsi ngabe... Uma angakwenti, ngitobita lilayini lalabakhulekelwako. Kodvwa abakawakhophile emakhadi ekukhulekelwa namuhla. Hlalani nje nihloniphe ngokutitfoba, khawlani.

¹⁴² Manje, eGameni laJesu Khristu, ngitsatsa wonkhe umoya lapha ube ngaphansi kwekulawula kwami, ngentele inkhatimulo yaNkulunkulu, kuze Livi laKhe lentiwe latiwe, kutsi ngeluSuku lekwaHlulelwa asiyuba nekubhaca ngelicembe.

¹⁴³ Manje buka ngalapha, futsi ukholwe manje. Khuleka ngayo yonkhe inhlitiyo yakho, futsi khuleka nje, futsi utfobe. Ungalwi naLo. Tiphumute nje, bese utsi, "Nkhosi, Wenta setsembiso. NgiyaKukholwa." Nguloko lengifanele ngikwente.

¹⁴⁴ Ngiyati kutsi akukho sidzingo kimi kutsi nginginibute. Bangakhi labake babona loko kuKhanya na? Ake sibone. Nisibonile sitfombe saKo. Ake sibone tandla tenu, lowake wabona sitfombe saKo. AniKuboni khona laphaya? Niyabona, nguelinye lizinga. Kungetulu ngco kwaloyadzadze.

¹⁴⁵ Uphetfwe yinkhatsato yemilente yakhe nelicolo. U... Uyakhholwa kutsi Nkulunkulu angakuphilisa, dzadze? Utsintseni na? Awungati, kodvwa utsintse Intfo letsite. Uma iNkhosi Jesu itongitjela kutsi ungubani, loko kutokwenta ukholwe kancono na? UngoNkkt. Phillips. Uma loko kunjalo, mani ngetinyawo

takho. Kulungile. Ngisihambi lucobo kuwe na? Phakamisa sandla sakho uma loko kunjalo. Angizange sengimbone emphilweni yami. Utsintseni na? Hambani nikhulume nalowesifazane, kamuva. Tinhlungu tonkhe setihambile manje. Sewukahle. Sewungaya ekhaya futsi usindze.

¹⁴⁶ Nangu dzadze, emuva ngco emvakwalona lapho. Uphetfwe kugula kwemizwa. O Nkulunkulu, uma anga... Ligama lakhe nguNkkt. Star. Kholwa, Jesu Khristu utokusindzisa. Sukuma ume ngetinyawo takho bese wemukela kophiliswa kwakho. Uma ngisihambi kuwe, jikitisa tandla takho. Kugula kwakho kwemizwa sekuphelile. Jesu Khristu uyakusindzisa.

¹⁴⁷ Wetsembisa ini Yena? Wakwetsembisa. Niyakholwa na? [Libandla litsi, "Amen."—Umhl.]

¹⁴⁸ Nango dzadze emvakwakhe ngco, ahleti lapho. Uyakhuleka. Uphetfwe yimizwa, unetifo letelakanyanako. Ufuna kuyekela kubhema. Ligama lakhe nguNkkt. Bordon. Sukuma, Nkkt. Bordon. Bosikilidi bakho sebaphelile. Jesu Khristu uyakusindzisa. Angikaze sengbabone labesifazane emphilwени yami.

¹⁴⁹ Niyakholwa na? Manje niyati kutsi ngeke sengikwente loko. Lowo nguJesu Khristu. Kuyini na? "LeLivi lishesha kakhulu, linemandla kakhulu, kunenkemba lesika ngetinhlangotsi totimbili, lihlola imicabango netinhloso tenhlitiyo." Livi leli, Jesu Khristu longuye itolo, namuhla, naphakadze. Ningke nakukholwa yini loko na?

¹⁵⁰ Lapha, lapha kuhleti indvodza ngalapha, ine-herniya, inkhatsato yenhltiyo. Kunjalo. Angiyati lendvodza. Angizange sengiyibone. Kodvwa ingumfundisi. UMfundisi lohloniphekile, uMnumz. Kinsey. Kunjalo. Uyakholwa, mnumzane? Sukuma ume ngetinyawo takho bese wemukela kophiliswa kwakho. Jesu Khristu uyakwelulamisa.

¹⁵¹ Kambe, ungangisita, ngekuba ngumfundisi? Beka tandla takho etikwemkakho, uphetfwe yinkhatsato yenso, nenkhatsato yesibindzi, uzimuke kakhulu, netifo letelakanyanako. Beka tandla takho etikwakhe. Kutosuka kuye, uma ukholwa.

¹⁵² Awusho, nayo indvodza ihleti emvakwakho ngco, isibekelwe kufa. Inemdлавуза. Lendvodza iphetfwe simila, umdlavuza, kugula kwemizwa. Ligama layo nguMnumz. Young. Kholwa manje. Jesu Khristu uyakusindzisa. Uyakukholwa na? Uyakwemukela na? Kulungile, mnumzane.

¹⁵³ Naku kulele indvodza, ilele lapha kuloluhlaka lwembhedze. Mnumzane, angikwati. Uma bengingakuphilisa, bengingakwenta. Ngisihambi kuwe. Ute usuka kuyoyonke lendlela. Wente umtamo wekuta lapha. Ungeke wakufihla lokungalungi kuwe; kodvwa ngeke sengikuphilise. Ute lapha nemkakho. Nguye loya lohleti lapho afake lelobhantji lelimbala

losampentjisi. Kunjalo. Kulungile. Lendvodza isibekelwe kufa; ingeke iphile kuphela sikhashana manje. Inemdlavuza.

¹⁵⁴ Uyagula, nawe, dzadze. Uyakholwa kutsi Nkulunkulu angangitjela kutsi uguliswa yini na? Yinkhatsato yakho yelicolo. Loko kunjalo. Uma loko kunjalo, sukuma. Kulungile, wemukela kuphiliswa kwakho. Kukholwe. Beka sandla sakho etikwemyeni wakho.

¹⁵⁵ Uyangikholwa kutsi ngingumprofethi waKhe, mnumzane na? Uma ulele lapho, impela utakufa. Ungeke uphile. Nguloko kuphela. Bodokotela baphonse lithawula ngawe. Umdlavuza sewukudle wakucedza. Ngibone tifo letinkhulu kunawe tiphiliswa. Ngeke ngakuphilisa. Kodvwa uma nje utokwemukela futsi ukukholwe! Uyakukholwa na? Ngilo kuphela litfuba lakho. Tikhatsi takho tekugcina tiyendlula. Uyakukholwa na? Uma ukukholwa, sukuma uphume kulolohlaka lwembhedze. Sukuma uphume lapho, eGameni laJesu Khristu! Sukuma ume ngetinyawo takho futsi uphile, bese uyahamba uphume lapha, udvumisa Nkulunkulu. Lomunye akamelekelele lapho, amsite. Nango ke, eme ngetinyawo takhe.

¹⁵⁶ Bangakhi ekhatsi lapha lokholwako na? [Libandla liyajabula futsi litsi, “Amen.”—Umhl.] Phakamisani tandla tenu. Sukumani nime ngetinyawo tenu. Nonkhe nine lofuna kuphiliswa, sukumani, eGameni laJesu Khristu. Phakamisani tandla tenu, nidvumise Nkulunkulu. Mnikeni ludvumo nenkhatalimulo. Manje bongani iNkhosi ngekuphiliswa kwenu, Jesu Khristu longuye itolo, namuhla, naphakadze!

¹⁵⁷ Mnaketfu, bodokotela wehlulekile. Lena yindlela leniketwe nguNkulunkulu. Yikholweni!

¹⁵⁸ Bangakhi lofuna kwemukela indlela leniketwe nguNkulunkulu na? Phakamisani tandla tenu futsi ninike Nkulunkulu ludvumo, wonkhe wonkhe wenu, futsi nikholwe kutsi niyaphiliswa, eGameni laJesu Khristu. Amen.



INDLELA LENIKETWE NGUNKULUNKULU YALOLUSUKU SSW64-0206E
(God's Provided Way For This Day)

LoMlayeto ngeMnaketfu William Marrion Branham, kwekulala wetfulwa ngesiNgisi ngaLesine kusihlwa, ngenyanga yeNdlovana 6, 1964, eKern County Fairgrounds eBakersfield, eCalifornia, eU.S.A., utsatselwe ekucopheni kwetheyiphu lenamazibuthe futsi wakhicitwa ungakafinyetwa ngesiNgisi. Loku kuhunyushwa ngeSiSwati kwakhicitwa kwakhishwa yiVoice Of God Recordings.

SWATI

©2021 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Inotsisi yelilungelo lemtsetfo

Onkhe emalungelo agodliwe. Lencwadzi ingaprintwa ngeprinta yasekhaya yentelwe kutsi umuntfu atisebentisele yena noma kutsi iniketwe labanye, mahhala, njengelithulusi lekusabalalisa liVangeli laJesu Khristu. Lencwadzi akukamele itsengiswe, iphindze ikhicitwe tibetinengi, iposwe kuwebsayithi, igcinwe ngeluhlelo lwekutsi iphindze itfolakale, ihunyushelwe kuletinye tilwimi, noma isetjentiselwe kuticelela timali ngaphandle kwemvumo lebhaliwe lecondzile ye Voice Of God Recordings®.

Mayelana nelwati lolwenetiwe noma lwalwenye impahla lekhona, sita uchumane ne:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org